

《續修四庫全書》編纂委員會編

續修四庫全書

上海古籍出版社

六六〇・史部・地理類

〔光緒〕江西通志一百八十卷首五卷（卷一百五十四至卷一百八十）〔清〕曾國藩 劉坤一等修

劉 繹 趙之謙等纂

〔寶祐〕仙溪志四卷〔宋〕趙與泌 黃巖孫纂修

〔嘉慶〕湖北通志檢存稿四卷未成稿一卷〔清〕章學誠纂

六二五

五五九

一

2676/06

江西通志卷一百五十四

列傳二十一 撫州府四

國朝

晁道焜字懷劬祖公詩建九經堂於金谿即今學宮也

道焜少孤事母盡孝分產自取曉瘠曰吾年長尙習經

營惟諸弟可憫耳順治丁亥大饑百計賑施周人緩急

雖老不懈年八十餘卒子星舉人有素心堂北山悟言

集安志 謝志 舊案 安志 孝義傳 有同邑傳 振興樂安

自宜春徙臨川遂爲臨川人以孫官永福尉

江琳字嘉玉金谿人諸生順治五年金聲桓叛瀝寇乘

機構亂假冒援師所至焚掠琳母朱被執琳傾貲求活

母繼以警理力竭未厭遂殺琳琳女七歲見父死以石

擊賊中額賊怒復殺女朱強起奪刃不勝併殺之安志

楊孕第字及君樂安人順治拔貢歷官鳳翔知府甲寅

吳三桂叛鳳翔爲川咽喉進剿兵糧餉轉輸賴以不匱

升神木道副使以母老告終養歸卒於家安志

張朝國金谿人順治四年知松溪縣時兵燹後民多散

處井邑一空朝國招集流亡結以恩信咸歸復業嘗自

署其廳事云以名教爲樂地登赤子於春臺後郡西兵

起遇害邑人皆爲垂涕福建通志 謹案縣志 嘉慶

李來泰字石臺臨川人順治進士授工部虞衡司主事

出督江南學政已而巡視漕河復整飭蘇常水利農務

裁缺歸里康熙戊午以博學宏詞徵明年授翰林院侍

講卒於京邸所著有蓮龔集四十餘卷并史館諸傳稿

志安

游東昇字曰生臨川人順治進士聞母變兼程歸以未

視含殮爲恨哀毀委頓遂不起人咸惜之東昇性介特

復好赴人緩急里人陷冤獄將繫妻以賂吏立爲白其

事所著有綠映樓集從子恢博通經史著深柳堂詩三

十卷府志

張應勝字鴻冥臨川人順治進士康熙九年任廣西北

流知縣十三年十月孫延齡據廣西叛應勝調集鄉勇

爲備僞將唐朝鳳以兵來攻應勝率眾登陴拒守三日

夜勢危不支守備常某開西門出降應勝出南門督戰

力孤不敵爲賊所害家丁五人吏何涵俱死之雍正三

年遣官

諭祭府志 謹案縣志 乾隆六十年奉 旨飭查後裔

原良本姓元字鳴善樂安人篤志聖賢之學年八十餘

猶孜孜講習或諷以過勞良曰人如魚書如水水所以

養魚魚不勞於水書所以養心心不勞於書也所著有

三山存業十編步薦草二十四卷桑綱彙紀三卷詩集

六卷志安

湯秀琦字小岑顯祖從孫順治副貢鄱陽教諭秀琦生

有異稟鳳目龜息總角博通載籍詩賦典麗有祖風晚

年遂於經學易詩春秋各有注解府志

余爲霖字蘊隆金谿人順治鄉舉康熙中授山東齊東

知縣齊東地高水少亢旱已七載戶口日寡爲霖至招

集流亡給牛種勸開墾令民掘井種桑勤事者賞又請於大吏給復漕運夫價免河工柳木徵輸民氣漸復東省州縣舊有捕緝八旗逃人之責民困株連爲霖憫之凡獲逃人鞠實卽遣毋延蔓所至有仁聲李之芳嘗爲文美之丁憂歸起補四川閬中縣爲霖少與大治余某爲兄弟交余貴顯有貪饕名爲霖懼其援己也力以母老乞養後余敗人尤多其識志

鄭秀字信從臨川人順治進士累官四川福建道監察御史承

詔鞠尙書某獄左都御史明珠姻也先日明珠屬秀寬之獄具卒論如法遷給事中出爲衡永道副使筭鹽法商人以八千金饋峻卻之復饋酒十二甕爲壽發之金也明日

江西通志卷一百五十四列傳

三

召諸商還之曰吾不飲酒汝輩慎之自是三州鹽無重價府志

梁奇字大奇東鄉人順治進士浙江桐廬知縣邑故衝供億並出里役奇至裁之嘗刊孝經以教民曰此移風易俗之本也甲午充同考官得士七人連捷者六蔡啟傳其一也主試熊伯龍命搜他房遺卷又得史大成他日與啟傳皆以第一人及第人服其精鑒府志

蘇汝霖字雲生金谿人順治進士山西潞安推官有惠政擢浙江金華同知以執法忤上官乞歸康熙十三年耿精忠據閩土寇充斥縣爲賊據明年四月城復十月僞將朱統錫破建昌攻金谿城復陷執知縣吉必兆汝霖痛哭從間道趨郡求援至蓋山被執脅之降不從囚

之貴溪般若寺十五年十月賊復脅降汝霖大罵賊怒擊其齒噴血濺賊面遂遇害乾隆二十九年入祀昭忠祠並祀邑忠義祠嘉慶六年補廕世襲恩騎尉府志陳石麟字及陵崇仁人順治進士初授河間獻縣補西安澄城調鄆縣俱以善政聞行取戶部山西司主事遷吏部考功郎嘗言貪酷情荒驕奢縱徇襲吝十字爲官箴玷作十勿戒書之座隅自號勿齋府志楊遜字雲將金谿人父迺武明季殉難遜少孤母饒守節撫之毋多病躬扶持者九年病良已兩姊貧乏無依遜分產割宅居焉踰二十年教兩甥成立乃反之遜好學通經與南昌杜果臨川黃石麟同邑孔大德爲忘年交潛心濂洛關閩之旨會

江西通志卷一百五十四列傳

四

詔舉博學宏詞督撫將以遜應臨川李來泰亦寓書石麟勸之行遜以父殉義且母老堅辭不起府志

李曰滌字亦白臨川人國禎子明歲貢生少有志操讀書喜博覽通眾流百家之言與里中章世純羅萬藻友爲文幽潔深蘊有名於時遭世變避亂宜黃戴溪山中鼎革後屢徵不起卒於家府志

游裕字伯懋臨川人歲貢生家世科第而裕獨覃心古學工古文李絳年十歲能爲詩古文稱奇童裕招之學誘掖獎勵絳以文章經濟大顯於時裕有先導之力焉子傳譜亦有名府志劉嘉猷金谿人明崇禎舉人授新建學教諭升侯官知縣甲寅耿精忠叛力拒僞命遂被害事

聞贈按察司僉事子祭葬安志 謹案縣志康熙三十五年與知府王之儀並祀九忠祠嘉慶元年

補廕恩騎尉世襲

周亮工字元亮金谿人寄籍河南祥符明崇禎進士初任山東濰縣知縣以守禦功擢浙江道監察御史入

國朝改授兩淮鹽法道調海防兵備道順治四年擢福建

按察使駐邵武時羣盜嘯聚山谷烽火四起亮工酌機

宜治軍旅畫開門關賊夜居謀樓或長嘯賦詩與刁斗

聲相應事平遷左布政使十一年以左副都御史徵擢

戶部右侍郎督臣修宿憾訐奏亮工

詔赴閩聽勘比至海寇圍省城撫臣知其才使分城守常一面

賊大創去城得完亮工不敢言功仍囚服就質士民訟

冤者數百人自獄事起初問官直亮工亦牽連就鞠至

江西通志卷一百五十四列傳 撫州府

嬰三木無易辭然主讞者卒坐以重法逮入京下刑部

訊諸大臣及科道官方就列條大風西北起掣案牘去

堂上下暝晦如夜良久風定吏部尚書某倡言曰天意

如此獄可疑因得減死論成康熙元年

賜環尋出為青州海防道僉事擢江南督糧道參議復遭劾解

職聽勘事解歸隸陵卒亮工能文章名滿宇內自筮仕

即在兵閒才氣橫溢泊歸

國朝爵位通顯忌者益眾方再被論忽夜起傍徨取火盡

焚生平纂述凡百餘卷曰使吾終身顛踣不偶者此物

也府志

王民皞字孟遷臨川人恩貢生安徽宿松知縣縣境有

漁蘆課官民交困民皞訴大府請丈量免荒賦民受其

惠擢雲南阿迷州知州州故無城民皞倡議築之歷黃

州岐亭同知夏逢龍亂有保障功擢思南知府百廢具

舉禱雨皆立應以老疾乞休府志

江球字宜笏金谿人康熙進士庶吉士改御史累官順

天府丞擢左副都御史在臺日久多所建白山西巡撫

與布政交訐四川巡撫與提督交訐球皆請解任質審

著為例州縣行取交代無定日赴部無定期球疏其弊

申請畫一

朝廷皆可其奏丙戌丁亥視學順天辛卯典北闕試癸巳

典武闕會試凡因緣請託悉禁不行在官三十年淡若

寒素年六十有八卒遺疏

聞賜卹如例府志

江西通志卷一百五十四列傳 撫州府

應昇字上治宜黃人康熙鄉舉兄弟三人鼎是昇並有

聲庠序鼎晁蚤卒是自有傳昇以母老不求進取篤於

孝友著書以終老子霖露霽霈皆有文名霖歲貢生嘗

設義田贍宗族露有孝行雍正鄉舉國子監學正雲雍

正進士養親不仕有諸父風肅乾隆鄉舉嘗修清湖陂

厚德著於鄉里府志

楊懋德字服章金谿人康熙鄉舉貴州施秉知縣為政

廉平士民相習有使者微服過邑偶登高視縣署後圃

二老人攜一童子揮鋤種蔬詢之則懋德與其妻也言

於大吏薦卓異擢戶部主事晉刑部郎中年七十致仕

府志

應是字敬非昇弟篤學力行晝夜樵牧夜讀書康熙鄉

舉絕意進取兄弟日夕侍母耽志著述撰有紀孝編作忠編友于編列女編縱釣居文集讀孝經諸書有司慕其名造訪終不出雍正元年舉孝廉方正以老病辭長子麒康熙鄉舉生有異稟讀書目數行下工詩古文詞尤善書時甯南宜三縣奸民不靖撫臣將發兵麒告撫臣此類烏合不足殲復馳歸請於郡縣令自首免罪旬日間盡解散鄉里晏然與父同舉孝廉方正又舉博學鴻詞皆不就次麟乾隆鄉舉雍正開學臣舉品行端方以親老辭諸經各有纂著曾孫肇魁鄉舉官上高訓導元孫先烈自有傳

縣志

徐繼昌字方文金谿人康熙進士授山東諸城知縣分校鄉闈得春秋房偶謁書三房所黜卷奇賞之代呈主

江西通志卷一百五十四列傳

七

試榜發是卷為李克敬名宿也諸城多世族歲賦五萬餘金在民者不過五之一繼昌謂士族勢重則民多累為革其弊邑舊設鹽頭駝戶充役者每傾家償額繼昌設法疏通之公私便焉加意學校躬親課士出已資益膏火士益嚮學侍郎李華贈以詩有至今鄒魯遺風在十萬人家盡讀書之句在官七載乞養歸子大樑進士大材自有傳

府志

原敬字元功樂安人良曾孫康熙歲貢為學主居敬窮理實體力行聞撫儀封張伯行聘主九閩書院校正先儒理學諸書歸主白鹿洞講鹿復出枯桂重榮人以爲盛德所致卒祀鄉賢

府志

李紱字巨來臨川人康熙戊子以五經舉本省鄉試第

一己丑成進士由翰林累遷侍講學士歷充武會試考官典雲南浙江鄉試再遷至閣學攝吏部侍郎兼副都御史辛丑充會試副考官被論罷職雍正元年復原官再遷兵部侍郎催漕天津值漕船凍阻紱排羣議請便宜從事閱十五日起米五十萬石得

旨嘉獎

出任廣西巡撫時廣西土苗犵獠互相仇殺在修仁者曰十排在天河者曰三疴尤強梗莫能治紱曰愚不知威不知畏天下無此民吾聞廣西官吏未能絕苞苴營伍多虛籍何以服眾繼自今司道府廳毋取貨於土官土官毋取貨於土民犵獠犯者立劾治効南甯守及土龍知州嚴飭五十土府州縣於是尙寨官吏相與震

驚惟十排三疴有劫斂者紱曰是當用吾威矣手定營

規九整旅而出廣西用兵多在山溪之間徑曲勢險不

能用古法紱乃循宋將吳璘璣遺意斟酌變通相機

赴敵既成遂咨總督提鎮合兵剿賊凡禽修仁賊渠三十三天河獠渠三十一蠻疆綏靖紱力爲多未二年移

直隸總督雍正五年往會雲貴總督高其倬治粵黔分界泗城土司事土官自漢唐世襲二千餘年雄富敵國

皆不肯入版圖受官吏拘束時南荒炎熱瘴氣鬱蒸督

臣銳意行勦集兵十四萬紱至從容布理正定疆界檄

一騎召泗城土司改令歸流事大定旣因入

觀力言河東總督田文鏡參劾黃振國汪誠邵言綸冤抑且言振國已爲文鏡所斃於是文鏡亦劾朋黨護科第屬吏振國且無恙

江西通志卷一百五十四列傳

八

朝廷方以紱冒昧直文鏡而廣西土司羅文綱適糾眾抗

官兵文綱舊為紱所安插者

詔使紱隻身捕賊自贖紱至文綱自歸有司曰吾不可以負李

公事得解將歸會直隸知府曾逢聖知縣王游李先枝

皆以事獲罪三人紱先後所疏薦也先枝坐科派罪尤

重

上震怒乃削紱職事下刑部議上紱得死罪二十有一籍其家

蕭然四壁婦女簪釵皆銅也紱既下獄飽啖熟眠讀書

如平時甘撫胡期恆同被繫歎曰眞鐵漢也時

世宗召廷臣親詰

天威甚厲近臣皆驚悸紱從容引罪而已尋奉

詔赦免令纂修八旗通志乾隆元年起戶部三庫侍郎改左侍

江西通志卷百五十四列傳

郎時方舉博學鴻詞科紱薦士既眾且廣屬九卿事

聞奏對失體左遷詹事以憂歸起補光祿卿遷內閣學士主試

江南在道得疾還以原官致仕

上問有所欲陳否紱以慎終如始對

上賜詩寵其行紱博學強記才力絕人為學主陸氏嘗言朱子

道問學之功居多陸九淵尊德性之見為卓又云內省

不疚生死無足動心何論禍福禍福無足動心何論得

失年七十六卒子孝源孝游孝洋皆舉人官知縣孝泳

舉人官禮部司務孫友棠自有傳

李茹閔字覆如臨川人居白鷺洲人稱鷺洲先生自幼

厲學常夜起讀書或竟夕不寐經史百家皆通貫工駢

體文字尤善集唐中歲為古文得韓歐法度康熙壬午

鄉舉以大臣薦教授

皇十六子癸巳成進士與族弟紱以文名顯京師稱臨川

二李在鄉時亦稱南北李茹閔居北鄉紱居南鄉也補

官內閣中書以母憂歸紱官廣西巡撫修省志延茹閔

主之府

徐大材字聖掄繼昌子少英異康熙五十九年與兄太

樑同舉於鄉授廣西上林知縣上林苗疆也大材能以

恩威擾其俗邑稱治蠻寇負隅白晝應舉行劫都司以

兵剿失利大材至募鄉兵會營弁伺閒禽之火其巢民

始安堵擢刑部主事旋擢山東濟南知府權濟東道訓

導安再轉兵部員外郎遷刑部郎中

馮詠字夔鳳金谿人姿性英邁讀書過目不忘與兄謀

江西通志卷百五十四列傳

弟謙稱三馮詠康熙進士改庶吉士散館授江南丹徒

知縣縣多荒田詠集流亡開墾計畝一千七百三十有

三民稱馮公莊尋擢貴州開州知州權思南府事所至

勤撫字教禮讓民苗懷之尋以令丹徒時鉅仰勢豪為

所中罷歸杜門著述卓然成一家言諶歲貢生謙以五

經中式成進士改庶吉士授檢討與修會典

洪橫秋字一翥臨川人家石獅山下築室曰獅山草堂

讀書其中學者稱獅山先生為書十三篇曰約言論古

今治亂得失凡數萬言

王大勝字峻宇金谿人體幹魁碩膂力絕倫常醉臥太

樹下有相者過而奇之謂當以武功顯因私喜自負走

南贛從軍初以功授中營把總進千總闖寇犯甯都大

勝奉檄防禦擊賊敗之復石城又征興國峒賊張治進
剿甯都李邨賊皆破之討平龍泉黃塘叛賊又擊贛縣
石峇建節賊於白石擢守備再戰甯都破崖石寨賊數
萬於小源賊遁鈞峯漆嶺倚巢踞險大勝率眾攀藤蟻
附進抵其巢大呼奮擊賊驚潰追至浦田羅源降賊首
張明等粵逆偽將軍嚴自明犯南康大勝與副將許盛
合兵焚其木城賊大奔潰追擊數十里斬首萬級尋馳
赴龍泉破賊於城西降叛將胡元亨等擢本營遊擊領
兵平九龍賊寨又追剿吉安通寇韓大任連破其眾於
萬安甯都瑞金賊竄老虎峒大任竄歸閩大勝遂移兵
上猶討平營前石谿峒賊進權參將事加都督同知改
補廣西提標遊擊以復象州克馬平功進加都督授欽

江西通志卷一百五十四列傳

十一

林營參將改補河池營參將陝西慶陽協鎮管副將事
大勝起小校三十年積功至大將與士卒同甘苦戰必
身先陷陣所至禁部卒剽掠贛人德之呼為王生佛及
鎮陝久以老乞致仕既歸修治祖塋畢歎曰吾由贛起
不忍忘贛人也移家於贛尋卒

志

李宜民字丹臣臨川人幼孤露依外氏以居長學買楚
中不利之桂林傭書自給嘗偕五人販於太平土司道
病瘴五人皆死宜民夜半若有人蹴之起曰連飲水遂
得無恙傾資殮五人以其樞歸桂林會官軍剿古州蠻
轉餉亟郡官素善宜民引為助事平謝歸雍正開大府
議兩廣鹽法裁商鸞歸官所在置難運有司以宜民誠
慈練達令其句當北流既而桂林柳州潯州太平鎮安

諸屬鹽廩悉任之乾隆戊寅大府復議罷官銷集商運
無敢應者粵商請於大府曰非宜民不可宜民力為規
畫度支益裕家亦益饒宜民嘗言物聚必散天道也不
善散必有非理散之者故樂善好施不遺餘力以己久
居桂林特捐貲修學宮而子孫不以占籍歲在甲戌梧
州大疫道殣相望宜民買棺收殮歲以為常自是窮黎
無暴露者又嘗憫數十年來旅櫬在桂林者垂朽無主
告諸當事悉掩埋之親為立石刊識以俟其後人於家
則葺祖祠置義田構書塾修公所歲寄金以贖戚族歎
咸倍之不能婚嫁者更益之老弱無以治生則月給薪
米蓋待以舉火者恆數十家以子秉禮孫宗瀚貴累贈
光祿大夫

志

江西通志卷一百五十四列傳

三

李紘字巨州紘弟雍正進士時紘官兵部侍郎紘深自
韜晦殿試三甲不用欣然歸省與羣從子弟講學南園
會開博學鴻詞科朱軾以紘名薦入都報罷歸杜門養
母登第十七年逮母喪畢始赴選授鉅鹿知縣調應城
地故衝民健訟刁悍前知縣屢以訐去官紘治甫期竟
革其俗其為政日坐堂皇任吏民自事立判遣無稍留
者縣西北境產石膏稅銀累千紘白於上官輕其課額
莅任三年間紘告歸遂引疾去官

志

余棟字東木宜黃人為學以治經為先砥節礪行不求
聲援嘗教子弟曰吾守儉以養廉一言故無求於人而
寡悔於己雍正五年成進士以大學士朱軾薦改庶吉
士授翰林院編修入直

上書房

賜第內城會棟喪母

賜銀五百兩給假六月棟乞終制明年父又卒十月馳赴

皇太子喪

上命即日入直如梁詩正故事棟乞終制如前服闋仍直

內廷

召對稱

旨越次擢翰林院侍讀再遷太常寺少卿兼督四譯館以陳奏

不合改官乞假歸里卒

府志

黃師範字任箕金谿人雍正八年進士授刑部主事居

半載諳法家言遂總司事時尙書侍郎以擬稿第屬官

能否師範日代同官爲之俾自呈關同官以是多得薦

江西通志卷五十四列傳

三

補外而師範老於郎官積久擢員外郎再遷禮部郎中

年七十致仕歸卒年九十師範三爲鄉會同考蔣櫟錢

載皆其所取士

府志

陳象樞字馭南崇仁人十二歲能古文與周學健帥念

祖齊名以五經兩中副榜貢生

特旨一體會試雍正八年成進士大學士朱軾昌言於朝曰吾

鄉知名士也授吏部文選司主事遷郎中兵部尙書甘

汝來薦加翰林院銜督學四川蜀人奉其教合前學使

陳瓊稱二陳夫子蜀中自渝以下江最險變人士舊試

於渝象樞曰奈何予多士以危自往按試夔有考院自

此始再視學楚南如在蜀以母喪歸乾隆十五年

詔起用舊臣十四人皆九列象樞以部郎獲與在職三年實事

求是以勞疾卒門人私諡曰貞文先生

府志

藍千秋字長青宜黃人少穎異觀書一覽輒盡爲諸生

屢困鄉闈雍正三年

詔直省學臣舉人品端方有猷有爲有守之士備擢用江西學

臣舉士三千秋其首也引

見勤政殿以朱軾薦充明史館纂修未幾授國子監學正累擢

盛京戶部員外郎分地畝司有恃貴豪佔民田者千秋

據理折之無所顧忌既而乞歸生平不屑細事思以經

術經世凡用兵治河籌海備邊屯田水利靡所不究自

以未竟其用飄然有遺世想於宅東鑿一池築室其上

顏曰東塘曰吾老於此中矣工詩古文不苟作臨川李

紱咸推之

府志

江西通志卷五十四列傳

西

傅涵字聖涯臨川人博極羣書尤工詩詞早歲與李紱

倡和最密紱爲詩文下筆如飛吳越士皆屈服願獨稱

涵敏乾隆二年應博學鴻詞科卒京邸

府志

李秉禮字松甫宜民子多聞好學胸次超曠官刑部郎

中未幾歸桂林養親不復出秉禮工詩宗唐韋應物嘗

名其所居曰韋廬廬前石曰韋石錢塘袁枚遊桂林引

爲詩友又因袁交高密李憲喬憲喬嘗謂詩須有安身

立命處不輕許可獨於秉禮詩有心賞隨篇論定爲之

序跋及憲喬卒官承福負官逋秉禮爲代償周卹其家

歸隱高密嗣是有絕絃轍斤之感編其所論定者爲內

集未論定者爲外集子宗瀚自有傳

府志

吳琯字西獻宜黃人乾隆進士河南商水知縣多惠政

分校鄉闈薦士多名宿已而以事解任巡撫胡寶瑔上疏薦舉再任山東幸縣會河決捐俸督民築隄未幾謝職歸華人思之不置府志

李友棠字召伯絳縣父孝源康熙舉人歷知廣西桂平廣東和平諸縣友棠天稟絕倫年十四巡撫常安欲以博學鴻詞薦祖紋以年尚幼辭之乾隆丙辰舉於鄉既成進士由翰林充三禮義疏續文獻通考兩館纂修官補授福建道監察御史巡視西城京師地大物博萬族雜處友棠令所屬旅寓日進人數簿籍夜或突往察其多寡有不合冊者輒訊蹤迹科斷其罪非類無所容止嘗出巡臺灣臺在海外與異域互市商賈有通事者奉金進謁友棠正色拒之通事出語人曰吾謁官長多矣

江西通志卷百五十四

五

未有氣肅言厲如李察院者既督學福建以疾召醫疾愈醫者欲為其子陳乞友棠曰汝欲居功乎吾豈以公事償私勞者累遷工部右侍郎工部錢法例歸右院專轄友棠以庫吏素侵蝕欲倣戶部錢局例設檔冊以稽其出入議格不果行友棠歟歷中外三十年

高宗聖諭嘗稱江西曹秀先李友棠學問皆好辦事則友棠更優未幾緣事落職戴罪家居以祝

釐入都給三品銜

黃捷山字仰甫宜黃人乾隆進士山西太原知縣劉塘守郡才之以卓異薦調永濟為陝甘蜀衛途故事鄉里按戶口出馬謂之里馬捷山足官馬額數革里馬民無供億之困擢知絳州州土貢羊皮舊定官購減市價之

半捷山禁強鬻者嘗以邑富民苦充鹽銅商大府檄至輒為祈免而不以市德遷河南陳州知府府志袁文邵字楚材崇仁人乾隆鄉舉官內閣中書文邵兄弟六人友愛無間言鉛山蔣士銓詩曰一花作蓮屋眾佛得所安鳳凰散竹實鶴鶴急其難孝弟古之人為君發三歎為文邵詠也嘗派辦

武英殿四庫全書監督裕豐儲濟倉

上賜福字及荷囊異數也府志

袁文觀字海門崇仁人乾隆進士初官同官知縣廉敏為一省冠遷禮部郎中乾隆辛卯典試福建稱得人出守施南多惠政坐失察成貴州主講武陽書院學者宗之後奉

江西通志卷百五十四

六

特旨釋歸

蘇運昌字定與金谿人乾隆鄉舉授興國縣教諭擢南康府教授皆善於其職截選廣西初權永甯州州雜獠搖亡禮教運昌至廉其地有邪神男女私約皆禱焉立毀其祠而治民之無行者俗為之變時辰州苗叛武弁獲楚言者二人指為苗運昌詢其籍里姓氏皆非也欲釋之弁固爭且以妒功譏於鎮帥於是司道檄員會鞠運昌曰掠治急且誣服矣請移關其家屬真偽立辨從之事實白補靈川知縣移知賀縣縣巨猾聚黨橫行前令不敢詰運昌誘之至縛於獄夜發健役火其巢獲數十人昧且斃猾杖下刑從犯有差閩邑相賀諸生某家富為姦民所誣納千金求寢卻之趣訊得其情杖姦民

而釋生大感復以所卻金進運昌召入訓之曰雪枉令職也何為汗我生惶愧而出運昌常自言令之失職莫大於不勤一訟累月則業荒一案經歲則家破姦猾傾陷吏役貪恣皆由是即廉也毒民已多矣時以為名言府志

蔡上翔字元鳳金谿人乾隆進士四川東鄉知縣在官八年政尚嚴肅問遺無受請寄無聽將歸告人曰吾居此了無所異數十年後必有思我者上翔生有異稟蚤歲喜為縱橫馳驟之文晚沈潛於唐宋大家著王安石年譜以安石為新法受謗本陸九淵說博徵羣籍力辨之府志

何飛熊字渭綸金谿人乾隆鄉舉七試禮部不遇官定

江西通志卷一百五十四列傳

七

南廳學正少厭俗學嚶嚶自處嘗言萬物愈高愈細亦愈孤蓋以自況也府志

周肅文字履剛金谿人未冠補邑諸生父沒於黔歷萬里扶輿歸盡喪其資家居授徒以養母安貧讀書吟嘯自得成乾隆進士官南康府教授府志

鄭飛鵬臨川人乾隆武舉補福建邵武營千總練事降補建甯鎮中營把總五十二年臺灣賊林爽文倡亂飛鵬隨大帥赴剿戰歿事

閩給雲騎尉世職府志

徐昱字捧曦金谿人生有至性年十八父沒於滇隻身奔走數萬里卒負骸以歸舉乾隆戊子鄉試授湖北宜都知縣有能名奉檄督萬城隄工工訖

王命大臣按視稱善題補監利擢沔陽知州移攝宜城縣時救

匪起當陽邑之河東為衝要地羣匪聲言渡河民眾洶懼昱募鄉兵三千人分守城內外躬屬健佩刀晝夜巡警營行城西迹偶語者二人執而鞠之皆吏胥與賊通者斬以徇移牒營官縣尉督鄉兵涉河擊賊三敗之境乃安晉秩同知還沔陽以繼母憂歸服闋至湖北獻來鳳縣獄事竣卒於施南嘉慶十年督撫奏昱積勞病故卹贈知府廕一子縣丞府志

王謙字仁圃金谿人乾隆進士才識雄雋精力過人自少即疾俗學好博覽以江西通志詳今而略古著江右考古錄補其闕間為辨正譌外考訂同異既又以六朝五代人物廢闕江右人文見於史者多疏略乃搜羅舊

江西通志卷一百五十四列傳

六

聞別為豫章十代文獻略謨初登第授知縣乞改學職選授建昌府教授以實學訓諸生後進景附人才輩出營輯漢魏遺書之僅存者片詞隻義無不甄錄為經史說部鈔所得凡數百種致功良深年七十六卒於家府志紀大奎字向辰臨川人少時父示之易象曰易學心學也大奎於是研精殫思以求天人之故盡通陰陽歷算及壬遁之術乾隆己亥順天鄉舉分發山東知縣權知商河李文功等倡邪說將誘民為亂詭言四起大奎集縣民諭以禍福皆驚愕乞命他郡被戒者聞之亦相率解散歷權邱縣昌樂棲霞福山博平民皆敬而親之聞兩親喪一夕骨立見者悲詫解官歸有終焉之志嘉慶中大吏強之出任四川什邡知縣或謂什邡強梗宜示

以威答曰無德可懷徒以威示於民何益未幾縣人士競爲詩歌頌德大奎謂同官曰無德且懷況有德乎先是奸民吳忠友據高山聚眾積粟講清涼教大奎偵知其事躬率健役夜半擣其巢獲忠友餘眾驚散下令受邪書者三日內繳子自新民遂安居邑舊有禹母祠在九聯坪洛水山馬大奎攷禹生時有洛書之祥洛書八方皆合十數以爲什那命名之所緣起自著其說爲前人所未發擢知合州州爲宋儒周子寓居大奎祀周子合宗書院作示學者一篇發揮希賢希聖之學道光壬午引疾歸嘗言居官有十字訣朱子所謂虛心不昧具眾理應萬事是也又言此虛靈者朱子謂人之所得乎天古人爲學未有不本於天者不離乎天則虛靈自現

江西通志卷一百五十四列傳

九

不昧之用生矣年八十卒祀鄉賢祠合州名宦祠府志

應先烈字鴻箴宜黃人乾隆鄉舉官隴西知縣教民種桑育蠶數年鬻繭成市隴西歲多雹傷禾稼土人相傳馬營監有深潭每雨雹必先日霧起令竭其水潭底蛙無算大者如斗盡斃之患遂息調安定地當孔道馳驛往來數借民間車馬先烈出資造車三百輛民力不困復調皋蘭枕河多水患設礮岸版壩十三座障之適荒歲艱輓運黃河流急不能載舟先烈創用牛革儲糧聯十二革由西甯順流下民不苦荒旋擢知肅州封金礦開酒泉故流灌田數百里權知蘭州循化撒拉生回不馴大府欲勦之先烈以單騎縛其魁黨羽驚散以楚北軍功

賞戴花翎補授湖南郴州擢常德府郡北界洞庭湖田數十萬頃水漲歸漁水落歸耕課無定主互有爭攸先烈躬自

正定疆界率然無所滑洞庭行旅多劫殺莫知主名先烈遣役駐兩岸記渡者姓名迹得之行劫者爲舟子真諸法行旅晏然果官貴州安順知府歿祀常德名宦祠府志

李崇禮原名字建中宜黃人父乘龍雍正拔貢宗學教習居京師十餘年母梁南豐布衣份女通經史能文崇禮幼受母教八歲試有司爲弟子員十二歲於庠與袁曰修彭元瑞齊名乾隆庚子成進士以母老乞改官選瑞州府教授嘗著章水經流考元瑞爲之跋府志

江西通志卷一百五十四列傳

三

授刑部主事總辦秋審執法持平運同某妻忤姑姑責之自經死妻家故權勢運同懼伺夜以千金詣護求解護曰吾知準情酌理耳抱幼子示之曰吾年五十五長子天此子甫四齡敢鬻獄乎謝之去高太監者黨於大學士和坤遂訟其弟妻護按律擬杖贖守夫墓和坤方總刑部駁詰嚴厲護爭之坤叱曰司員何敢爾護厲聲曰司員主稿知爲刑獄得其平耳何叱也坤不能奪未幾坤敗獲員外郎

仁宗召兄齋宮嘉其守

命督餉四十萬赴川濟軍川陝督撫交章薦授陝西分巡延榆

緩兵備道時

上方以有司治三省叛產未善寄

論陝甘總督當得公正大員如陝西之楊鍾者故凡履勘守禦

諸事悉以命護受任周歷田野覈復民業過半經略

請遴員卹難民詔曰愛民賢員如四川劉清陝西楊護

可任遂復以撫卹事任之陝撫曹啟泰將言使府縣預

選壯丁詣營備補行伍護爭之曰農工商賈各有業也

若預選送營曠日失業與抽丁何殊遂止尋調甘肅平

慶涇鹽法道擢安徽按察使斬六安州賊劉成巨軍民

歡忭升江甯布政使淮揚大災奏發帑百四十萬賑飢

護白與弟談乘舴艋周歷邨莊訪問疾苦居給無遺吏

不欺隱縛筏渡高寶湖流急幾覆災黎爲之泣下坐事

降同知歷遷知府至浙江巡撫以不俟代先期北上復

降禮部主客司郎中引疾歸道光五年重宴鹿鳴加四

品卿銜年八十五卒

楊嶽字春圃護弟少篤學研究恆達旦甫冠舉乾隆鄉

試授南城縣訓導遷分宜教諭截取知縣不赴晉大理

寺評事談生有至性母聶患腸瀉醫言羹甘則不可治

談嘗之果甘母旋歿踰幾絕父病夜馳百二十里省

視衣不解帶者再閱月事兩兄以恭稱工爲古文辭桐

城姚鼎新城陳用光稱之子祖敬孫士達並舉人

程卓樑字肩宇宜黃人乾隆進士授主事改官貴州開

泰知縣擢都勻府丹江通判嘉慶時仲苗作亂黔撫馮

光熊自銅仁馳安順大帥勒保常明自川楚會剿卓樑

言壩陽爲廣順要害廣順危則全局皆震因指陳形勢

常明以爲善令往壩陽練鄉兵未至壩陽已陷立具狀

以聞並獻復壩陽策大帥壯之以任卓樑遂輕騎抵大

寨招降順苗李連成以苗攻苗遂復壩陽降諸寨毀賊

巢論功擢普安州知州

苗又亂乘不備走險道入羣苗方飲一鼓獲之上功

使權布政使兼護學政尋以失察呈吏議年八十卒

傅顯功字照倫金谿人幼喪母事繼母以孝聞乾隆鄉

舉官興國訓導訓諸生以學嚴氣正性不可干犯卒於

官子馴進士戶部郎中

李宗瀚字公博秉禮子繼諸父秉仁爲後乾隆進士改

庶吉士散館授編修擢贊善典福建試所得多宿儒時

號老人榜轉侍讀學士督學湖南宗瀚素敦品厲學至

是以其行能勉羣士士悅服之多所成就晉太僕卿累

遷左副都御史宗瀚本生祖母戴年既老宗瀚乞終養

戴卒是年爲道光三年先是道光改元禮臣建議天下

爲人後者爲本生祖母終三年喪至四年部議仍改歸

期服遂持期喪起補原官晉工部侍郎八年典試浙江

旋奉

命留浙督學識拔無虛士十一年本生父秉禮卒於家宗瀚年

已六十有三既聞訃慟絕復甦發舟次衢州長號而絕

將殮進朝服臂屈強不得仲子聯珂泣請曰吾父以毀

終其意在喪服乎乃易衰麻臂始伸宗瀚家世貴戚又少年得科第性獨純厚有器量方官副都御史與同官治某案疑而爭之不可退具疏將入告或謂某御史聞公語將駁是案劾臺長公固宜言宗瀚曰若然吾姑緩以待之吾特求是案信耳豈該過哉御史某果入告臺官皆干議

仁宗聞其事詢之宗瀚惟白引咎人服其量居鄉杜門卻軌或乘輿獨游與樵牧雜處人不知其京朝貴官也工書受撥鎧法於大興翁方綱與莆田郭尙先道州何浚漢吳縣顧菴齊名子八聯珂舉人聯琇自有傳孫翊助翊煌舉人府志好

邱鳴泰字讓虛東鄉人乾隆鄉舉大挑知縣權山西平

江西通志卷一百五十四列傳

陸縣洪洞民聚眾抗糧上官檄鳴泰莅洪洞不閱月而糧集補官偏關量移陽曲時汾河水偏旱西門堰決隄民大驚擾鳴泰禱於河神越夕水西去挑濬河沙隄遂復完道光初以特薦擢廣東欽州累官福建按察使懲洋盜禁械鬪海疆積習爲之一變權布政司請奏免蒞枝貢飭停龍巖州蘭花供官民大悅歷官湖北安徽山西布政使護山西巡撫以督審遲延降調回里卒府志甘揚聲字實求崇仁人乾隆鄉舉官河南知縣初權滬池致嘉禾之瑞兩官祀縣有政聲再至任黃河決祀當其衝揚聲率民防守目不交睫者七晝夜全活無算護城故有隄水退補柳數千樹十餘年成圍隄以益固民呼甘公柳一權許州固圍空虛民戴之爲刊石於獄門

府志

吳士杭字懷舟東鄉人乾隆鄉舉爲諸生時受知於學使翁方綱目爲艾南英後一人士杭工詩宗唐張賈尤長於五言嘗客桂林著粵游草李憲喬稱其嶢然冷然凌霜拔俗又感推其文比之樊宗師士杭不自足也年逾五十猝中賜卒府志

鄧時字蓀洲崇仁人寄居郡城選拔貢生官義甯州學正工詩能爲合體書仿漢隸有神會督學翁方綱稱之

陳之蘭字謙儒臨川人際泰曾孫爲諸生九試不售而文益工撫州知府朱展勤政事嘗以利弊訪之蘭言之而不及私展多善政之蘭與有力焉府志

江西通志卷一百五十四列傳

陳兆鼎字五貞象樞子諸生穎敏嗜學旁及象緯形家言方父官京師兆鼎省侍游太學獲交當世士歸絕意仕進肆力於古手一編不輟嘗慨邑乘廢缺博徵文獻得十餘萬言爲知縣江啟澄所假不歸時兆鼎已老復憶而錄之存原本十之三四府志

王曙斗字律三東鄉人諸生父商於金陵以家事付曙斗戚某負千金不能償曙斗還其券或咎其自專曰此吾父意也乾隆三十六年

詔減天下田賦曙斗語佃人勿輸租曰吾家受國恩良厚俾若輩無田者同拜賜也府志

朱嗣韓字仰山金谿人好讀書落落自得不以貧寒動心嘗冒雪乞米走十餘里不得爲探梅詩而歸其高致

如今年六十始成進士授戶部主事每休暇苦讀如故
操守廉謹不踰尺寸年七十卒同年生武甯盧浙歸其
櫬廣東徐旭曾爲之傳孫履恆舉人亦有文名屢試不
第遂從戎積官至江蘇候補道府志
黃旭字照人宜黃人乾隆癸卯優行貢生迎

鑾江甯上河清海晏頌

召試鍾山書院入二等

賜文綺嘉慶己巳成進士入詞館進

萬壽詩冊書用雙鉤小楷復蒙

上賞府志

吳嵩梁字蘭雪東鄉人年十五卽以文字爲金谿楊護
所知結忘年交未冠赴金陵應

江西通志卷百五十四列傳
撫州府

南巡召試歸受詩法於鉛山蔣士銓得杜陵宗派出游吳越聞

詩名籍起嘉慶庚申舉鄉試官內閣中書名振都下青

浦王和北平翁方綱無錫秦瀛蒙古法式善錢塘吳錫

麒並相推重篇什流播及於海外朝鮮侍郎申緯推爲

詩佛吏部判書金魯敬父子鑲梅花爲龜奉其像並置

所爲詩卷嘗於仲春日集其國勝流置酒高會遙爲嵩

梁祝壽好事者繪圖張之琉球陪臣向邦正奏請入監

肄業亦出嵩梁門下學成歸國奉使來朝者皆以得其

詩句爲榮會玉牒館議敘嵩梁出知貴州黔西州移權

長樂廳同知兩充鄉試同考官兄崑榕工文精篆隸女

弟素雲善繪事崑榕子晃炯亦能詩一門皆以文字翰

墨著稱府志
縣志

樂鈞字蓮裳臨川人生而警敏甫成童詩古文已成集

世所傳耳食錄前後編二十卷皆少作也乾隆己酉學

使翁方綱奇其才拔貢成均嘗館怡親王邸雅相敬禮

嘉慶辛酉舉於鄉應春官試不遇歷游楚粵江南大吏

聘主梅花書院遂之揚州鈞才思豐豔執轡墮牛耳者

幾十年大江南北一時知名之士罔不心折甲戌丁母

憂哀毀卒孫楠幼慧如其祖父父卒於越徒步數千里

扶櫬而歸家酷貧日謀甘糲以奉母並推母意均諸弟

妹而已與婦斷齋畫粥母弗知也篤志讀書一燈熒熒

常至達旦中道光癸卯舉人府志

饒向榮字繡圃東鄉人幼穎敏未三年盡誦論孟五經

嘉慶辛酉成進士壬戌補

江西通志卷百五十四列傳
撫州府

殷試改庶吉士散館授主事累擢郎中京察上等旋卒向

榮爲學有原本未竟其用人惜之子炳虞能文府志

黃錫禔字仲佩捷山子入塾授小學已見諸行事與弟

錫禕同補諸生乾隆間迎

鑾金陵嘉慶壬戌成進士

朝考第一入翰林散館授戶部主事甫數月以母老引疾

歸游心著述篤志孝養文行並稱於時府志

洪占銓字鳳賓宜黃人宋忠宣公皓之後嘉慶進士改

庶吉士散館授編修以詩受

上知出爲陝甘鄉試考官占銓嘗念忠宣父子兄弟文章氣節

家學不可失墜因徧求遺稿寘座右顏所居曰小容齋

府志

謝階樹字欣植宜黃人嘉慶進士及第授翰林院編修庚午順天鄉試甲戌會試同考出督學湖南累官至翰林院侍講學士初階樹視學湖南適湘潭市人與江西估客關成大獄督撫不能決階樹試竣入都

上問訟曲直階樹奏對平允

上深嘉之

劉庠麟字浴香崇仁人嘉慶鄉舉生有至性事繼母稱善無間言爲學以主敬爲入德之門淮南萬應新孔繼

鏐樂邑游閩鄉嶧賢皆其高第弟子

羅以豐字實之宜黃人嘉慶進士以豐有材武方會試

北上遇盜劫行旅以豐舉所坐小車擊賊賊遁既成進士改庶吉士散館授陝西藍屋知縣藍屋嚴疆在萬

江西通志卷一百五十四

志

山中僻徑叢雜寇盜伏莽以豐既入陝偕兄以靖徒步之官歷行窮鄉廉得其實乃率兵入山獲積寇國正元等十三人大府上其事

上嘉之晉知州銜再改授山東壽張調冠縣卒

府志

湯儲璠字若孫臨川人父兆紅乾隆舉人蓮花廳學訓導儲璠生而穎異讀書過目成誦嘉慶庚午以第一人舉於鄉明年成進士官內閣中書進奉文字多出其手歷數年病作閒數月赴內閣忌者欲令去官大學士曹振鏞持不可曰此今之燕許也安可少此人會逆酋張格爾就俘諸舍人擬賀表未就振鏞以屬儲璠伏枕構思古茂淵懿會病日篤又念母老乃乞假南旋舟中輒有吟咏爲布帆無恙草其望海船一篇憂深思遠見忠

愛之心焉子安淮庠生寶中舉人

府志

鄧應臺字伯華金谿人嘉慶鄉舉歷貴州諸州縣初之婺川政明察吏莫敢欺居恆置簿籍錄四境良莠準施賞罰民駭服呼鄧青天印江巨盜田大官力敵百夫多羽翼不可捕有婦人呼於按察使願得鄧青天治盜按

察使以屬應臺未幾竟執大官實之法擢古州同知權

思州銅仁思南諸府鎮遠久潦民苦饑應臺自往勘不俟報可發倉廩賑之仁懷謝法真搆亂既平檄應臺治

其獄獄具督撫才之將上聞應臺讓功同列人益賢應臺除大定府知府未之官調貴陽爲木棉圖教民種時

設局導紡織民利其利擢湖北漢黃德道權按察使武岡民聚眾戕官官兵駐寶慶謀攻剿奸民益集相持半

江西通志卷一百五十四

府志

志

月未解應臺奉檄往授軍方略自偕十餘人入武岡鄉民遮道羅拜曰此鄧青天耶吾僑生矣乃訴營弁諸不法應臺撫卹之械營弁定罪斬決諭縣紳縛渠魁自

獻歷三日而事定旋以疾乞歸

府志

李占星字仰台東鄉人兄弟友愛至老彌篤占星有子五人曰文翰文彬文錦文元文瀾並承家訓食指千餘

府志

咸有禮法時稱義門蔭南李氏謝廷恩字清德崇仁人幼貧長學賈入蜀遂以資雄一郡然能慎取舍敦善行人以是稱之有子五人次子蘭生博學多通道光進士以知縣用不樂爲外吏援例授工部郎中未幾卒著書甚富四子蘭堉增貢生刑部員外郎咸豐中粵賊擾撫州佐府縣治戰守捐私錢十二